

مرکز توزیع:
باب عالی جاده سنده
(اتحاد تجارت)
کتابخانه سی ایله
(یکی توریه)
مطبعه سی


مجموعه اسلامی

دوم القعه
۳۳۸

اداره خانه سی:
باب عالیده
(یکی توریه)
مطبعه سی فوقنده کی
داثره مخصوصه

شرائط استرا:

هرسته يك برنجی وایکجی آلتی آیلغندن اعتباراً آتونه قید اولونور.
سه لی: اون ایکی نسخه اولق اوزره پوسته اجریتله برابر
(۱۰۰)، آلتی آیلغی (۵۰) غروشدور. ممالک اجنتیه ایچین
۲۰ و ۱۰ غروش علاوه سی لازمدر.



شرائط غیر:

اسلامک نفقته خادم یازیلر مع التشر قبول و نشر اولونور. یازانک
شخصیتی دکل، یازانک ماهیتی نظر دقتیه آلتیر. کونده دیله جک آثار
اوقوناقلی و مختصرجه یازیلش اولالیدر. کن یازیلردن شایان قبول
کودولنر تاریخ میراسیله دو ج ایدیلیر.

هر کس آکلايه حق ! صکره دخی قرك منخسف
اوله جنى بيان بيوريلور . بوندن مقصد پيکمزك
محاق حالى دکلدر . ذاتاً معلوم درکه هر آي باشندده
قر بر مقدار تماماً منخسف بولتمقدده در .
بوراده کی انخساف هر حالده بيلمه ديکمز وشمدي به قدر
کورمديکمز باشقه برشی اوله جقدر ! اونى ده آيت
کريمه بزه آکلا تيور . شويله که : قرك شمس طرفندن
جذب ايديلوب ارضمزدن آريلاسی وهر آن بزدن
اوزا قلاشاسی طولاييسيله قرك مظلم جهتنک دائماً
بزم طرفده قالماسيدر ! حالبو که منظومه شمسى مزده کی
موجود موازنت بوزولمادجه کرك ارض وکرك سائر
سيارات و پيکمر ايچون خارق العاده حاللر بکلنه
ميه جکندن قرك منخسف اولماسی وبعده شمسه
دوشمه سنى ، ميخانیک سماوى قوانيننک منظومه مز
ايچون انحلالی لازم کليز . يعنى شمسک جاذبه سنده
برفوق العاده لك ظهور ايتدکجه بو حال واقع اوله ماز .
چونکه ؟ حضرت قرآنک « ولن تجد لسنن الله
تبديلا » آيت کريمه سنه مخالفدر !..

مابعدى وار ارکان حرب ميرالاي

ح. عبدالرحمن

مدرس مصطفى حقی افندی حضر تلرینه

فاضل محترم

محفلک ۵۸ نجی نسخه سننده مندرج و حق
عاجزانه مده هم التفاتی ، هم ده اعتراضاتی محتوی بولنان
مقاله عالمانه کزی او قودم . التفاتکزه عظیم تشکرلر
ايدرم و خطایه دوشمش ايسهم ، جناب حقک
عفو و مغفرتی ديلرم .

اسلافه قارشى حرمتسزلکده بولنديغمی ضمناً
و پک ظريفانه اوله رق اياما بيوريورسکز . بويله
برشی ياپدم . اکر ذات فاضلانلری ؛ بر طاقم
اسرائيليات خرافه لرینه هر نه دنسسه جای قبول

کوسترمش اولان بعض قدما نك سوزلرينه قارشى ،
علوم و فنونك ترقيسيله حضرت قرآنك وقت
وقت آنجق آكلاشيلان رموزينى اورته به قويقم
خصوصنه حرمتسزلک ديورسه کز ، بنم ايچون
پک صميمى اوله رق تصحيح فکر ايله کزی رجادن
بشقه يابه حق برشيتم يوقدر . دييورم که ، حضرت
فرقانك يالکز قدما ايچون نازل اولديغنه اصلا
قانع بولميورم . و حق تفسيرك يالکز اونلره
ويرلديکني ده ظن ايتيورم . صکره ده تفاسير
عتيقه نك ، بالخاصه درايته متعلق هر سوزينى نص
قاطع قبول ايتمک خصوصنده بر امرک وجودينى ده
بيلميورم . عجباً قباحتم ؛ يد اقتدارمده اولميان ،
دنياه کيچ کليشم ميدر ؟ . صورييورم ؛ مثلاً ؛
روح اليان صاحبي اسماعيل حقی افندی مرحومک
« بابل هاروت و ماروت » آيت کريمه سنک تفسيرينى
سز قبول ايدرميسکز ؟ و مثلاً ؛ سورة قيمه ده کی
« و خسف القمر » حقنده کی دکز حکايه سنى صيقلمادن
او قويه بيلميرميسکز ؟ و ينه مثلاً ، « من شر غاسق
اذا وقب » آيت جايله سنى ، شهوت زوريله آلت
تناسلک قيام و قوامه کله سندن استعاذه ايله تأويله
قالقيشمنى خوش کوروزميسکز ؟..

بناء عليه شونى سويلکدن کرى طور امام که ،
سلف صالحين حضراتى ، بعض مسائلى حل ايده جک
يرده اغلاق ايدوب براقشيلر . نيته کيم موضوع
بجشمز اولان (صور) لفظنک نفخ ايديله جک بر
بوينوز اولديغنى نقل ايله برابر ، روحلرک بوبوينوزده
طوپلانده جغنى ، نفخ وقوعيله ده ارواحک اورادن
جيقوب جسدلرينه کيره جکنى سويله مشلر .
[تفسير خازن] . سويله مشلر اما ؛ صکره ده بو
مطالعه ده قطعياً متفق قالامام مشلر !..

ينه [تفسير خازن] ده ، (قوله الحق وله
الملك يوم ينفخ فى الصور) آيت کريمه سنک تفسيرينده

حالیلی کی قدما دخی البته بو علملرله مجهز دکل ایدیلر .

واقعا حدیث شریفده : صاحب القرنك، قرنئ آغزینه آلمش ، اوستنه طوغری چجه سنی اكمش، و نه وقت نفخ امرئ كله جك دییه مترقب بروضعیتده بولمیش و دیگر یرلرده بر آياغی ایلری ده ، بر آياغی کریده اوله رق طور مش اولدینی بیان ایدلمشدر . فقط حدیث شریفك ، توضیح معنی ایچون تشبیه و تمثیل طریقیله ایراد بیورلمش اولمی دائرة احتماله در ! خصوصیه « صور نه در » دییه صوران بر اعرابییه قارشئ !....

حضرت قرآنك بر جوق متشابهات آیتلری بولندیغنی در خاطر بیورمه کزی بالمناصبه بوراده رجا ایلرم .

اثبات مدعا ایچون کذا عرض ایده میم که ؛ حضرت فخرالدین رازی دخی ، سوره نملده (يوم ینفخ فی الصور فصعق من فی السموات و من فی الارض الا من شاء الله ..) آیت جلیله سنك تفسیرنده ؛ « يجوز ان يكون تمثیلاً لدعاء الموتی فان خروجهم من قبورهم كخروج الجيش عند سماع الآلة » دیورکه ، یا کلمش آ کلامادسه ، بوعباره « صورك نفخی، امواتك دعوتی تمثیل ایچون اولمق جائزدر . چونکه: اونلرك نفخ صور ایله قبرلرندن چیقماسی ، قوماندا بوروسنی ایشیدن عسکرلرك قیشله و چادرلرندن فیلامسی کییدر . » دیمکدر . حضرت رازی نك بو افاده سی ده کوستریورکه مسئله ده « تمثیل احتمالی » واردر . هم نه حاجت اسرافیل علیه السلام ، بالجله ملائکه مثللو اجسام لطیفه دن بولندیغنی جهته اون ، آغزینه یره جك صورك دخی هر حالده مادی برشی اولیه جغنی شبهه سنزدر ...

بوندن بشقه ، امام غزالی حضرتلرینك

دنیلورکه ، « بو آیتده مذکور اولان صور حقنده علمانك اختلافی واردر . بعضیلری ، دروننه نفخ ایدیلیر بر بونوز دیمشدرکه اهل یمك لغتیدر . مجاهده ، بوری هیئتنده بر بونوزدر دیمشدر . بر بدوینك حضور نبوییه کلوب صور نه در ؟ دییه صورماسی اوزرینه طرف حضرت رسالتدن (قرن ینفخ فی الصور) بیورلدیغنه دائر ، عبدالله بن عمرو بن العاصدن مروی اولان حدیث شریفده بو قولك صحتنه دلالت ایدر . »

بونی متعاقب مقاله علیه کزده مذکور اولان حدیث شریف - فقط (کیف اتم وقد التقم صاحب القرن) شکنده - نقل ایدلکدن صوکره شونلرده علاوه ذکر اولونیور :

« ابو عبیده دیمشدرکه ، (صور) صورتك جمعیدر . اوکا نفخ ایسه نفخ روح ایله اجسادك احیاسیدر . حسن و مقاتل ك قولی ده بودر . » ایشته شو اوافاجق نمونه کی حاللر طولایسیله عرض ایتمک ایسترم که، قدما یه حرمتسزلك عقلمدن بیله کچما مشدر . فقط کندیلرندن شکایت هروقت حقمز واردر . یالکز مفسر خازنك شو بیاناتندن عبد عاجز برشی آ کلا یورم که اوده صورك ماهیتی حقنده علمانك اتفاق تامی بولونمامسیدر .

تو هت، کلام اللهك بیان حالسی وجهله بر صور واردر . اوکا نفخ وقوع بوله جقدر . بوانکار ایدیله مز . فقط بوندن ، مطلقا بیلدی کمز بونوزلرك جوق بیوکنی آ کلامق خصوصی اصلا دوغری دکلدر . بو؛ عوامك، بشقه عالمله تبدللرنده ظهور ایدیه جك حادثات کونیه نك اشکالنه عائد بر مزدر . بزرمری آ کلامق ایچون یالکز علوم دینیه دکل ، علوم و فنون طبیعیه و بالخاصه یوکسك فلیکیات و بونك بر شعبه سی اولان « تشکلات عوالم » ی ده بیلیمك لازمدر . مساعده کزله عرض ایدیورم که ذات

و تمامیه عکسری کشف ایدلش ایکن بوکون قرآن جلیلی اونلره تطبیق ایتیه اوغراشمق، البته کلام الله افترا ایتک اولور .

بطلمیوس نظریه سنک حکمی کچدیکی حالده قرآن، او الهی اعجازینی محافظه ایتکده در . بلکه بوکونکی معلومات هیئیه نك نظریات حکمنده بولنان اقسامی ده دیکشه جک، فقط هیچ شبهه ایدله ملیدرکه قرآنک اعجاز و اصابتی ینه ثابت قاله جقدر .

دین جلیل اسلامک علم و فنونه معارض اولمدیغنی، قرآن کریمک بویله شیرله تعارض ایتدیکنی بیلهمه یلره آکلا تمق کی خالص برامل ایله قاره لامقده بولندیغ یازیلرک سؤ تاویلده اوغراتیلدیسی احتماله قارشی شو سطرلری تسویده فرصت ویرمش اهلدیغ کزدن طولای ذات فضیلتاً بکزه خاصه تشکر ایدر و آره صره بویله ارشاداتکزی بکله دیکمی ده مع الاحترام عرض ایلرم افدم حضر تاری . ۵ شباط ۱۳۴۳

ارکان حربیه میرالای

عبدالرحمن

اسکی مصر لیلرک علمی

۲

قدماء پک حقلی اوله رق، اهرام کیری عجائب سبعة عالمین بریسی دییه تلقی ایدردی . زیر ۱۵۰ متره لک ارتفاعه و بش هکتارلق قاعده یه مالک اولان بو آبد ، انسانلرک انشا ایدله بیلدیکی بنالرک هیچ برینه مشابه دکلد . حال حاضر معمار و مهندسری بیله بو معظم طاش کتله سنی میدانه کتیره ن وسائطک نه اولدیغنی دوشونویورلر . . . و بولامیورلر . اهرام کیرک صورت انشاسنه دائر قطعی معلوما تمز اولما مقله برابر مشهور یونان مورخی هه رودوتک ویردیکی ایضاحاتدن آکلا شیلیورکه انشا ات ایلرله دجه

مطالعہ سنی توصیه بیوردیغ کز . کتاب احیاسنده ده ، مقاتل دن نقلاً صورک آغزنده کی دائره ، سہاوت و ارضک کنیشلکی قدر اولدینی سو یلنیورک ؛ تفصیلاتی بوراده بی لزوم عد ایلدیکم بور مزدن دخی حادثه قیامتک منظومہ شمس داخلنده وقوع بولہ جغنی بر کره دها آکلا یورم .

خلاصه : (صور) کله سی معنای حقیقته حمل اولمق جواز یله برابر ظریف بر تشبہی محتوی اولمق اعتبار یله معنای مجازی یه حملی دها قوی کور و نور . اوفله نسی دخی بالطبع بو حکمدہ در . بناءً علیه موضوع بحث صور ، اوفله تنجہ مدھش بر طراقة نك حصوله کله جکی و ایکنجی نفخ ده ذوی الارواحک محو و هلاک اوله جغنی علمای محترمه جہ نصل ثابت ایسه ، بنده کزده « نفخ سور دن مقصد ، ارض مصادمه ایدوب حاصل اولان مدھش صدا وعین زمانده مرکزنده کی غازاتک سربست قالیشندن متولد آجی آجی خروجندن بشقه برشی دکلدرا ! » دیمشدم . بو خصوصده خلاف وارسه ، علتی دکل معلولی ذکر ایتکدن عبارت قالیور ! ..

تکرار ایدیم که ؛ ورد لسانم و زیور حافظم اولان قرآن کریمک متعدد آیتنده مذکور بولنان صوری و اوکا نفخ وقوعی منبرک دکلم . یالکز ماهیتنده علمانک حسب التفهم اختلاف ایتدکاری صوری ، بنده بر فن منتسبی اولدیغیم ایچون (ارض مصادمه ایدوب حاصل اولان مدھش صدا و عین زمانده مرکزنده بولنان غازاتک سربست قالیشندن متولد آجی آجی خروجی) ایله تاویل ایدیورم . بوکونکی فن هیئتک مبلغه کوره ، بو بر توضیح فلکیدر . نته کیم اسکی مفسر لر یزدن (ولوکه پک آزی) ، زمانلر نده کی هیئتله مشغول اولانلر ، زمان زمان بطلمیوس نظریات یله آیات قرآنیہ یی توضیحه چالیشمشر دی ! او نظریاتک بطلانی ثابت اولمش